

Isbeddelo Muhiim Ah Oo Ku Dhacay WokFirst

KA WARAN HADDII AAN SU'AALO QABO?

Haddii aad su'aalo ka qabtid isbeddelan WorkFirst ama aad doonaysid in aad dhameysid ganaaxaaga, wac CSO-ga degmadaada (Community Services Offices) (Xafiiska Adeegyada Beesha).

WorkFirst
1009 College Street SE
Lacey, WA 98504-5470
Mailstop: 45470



Somali

MA KU JIRTAAGA GANAAX?

Hadafyada muhiimka ah ee barnaamijka WorkFirst waxa ka mid ah in qoysasku ka qaybgalaan adeegyada barnaamiju bixiyo si ay u awoodi karaan inay sidii hore si ka sii fiican wax ugu helaan caruurtooda. Bishan Sagaalaad, waxa isbeddeli doona xeerarka ganaaxaa ee WorkFirst. Waa in waalidku ka qaybgalaan barnaamijka ama waxa ka lumi doonaa gargaarka kaashka ah ee ay qaataan.

Haddii aanad dhameyn ganaaxaaga ka hor Bisha Sagaalaad, xeerarkaasi waxay saameyn doonaan qoyskaaga. Waxa aanu doonaynaa in aanu kula shaqeyno si lagaaga gargaaro in la dhameeyo ganaaxaaga adiga oo ka qaybgalaya hawlaho WorkFirst.

WAA MAXAY XEERARKA GANAAXA WORKFIRST EE CUSUBI?

Xeerarka ganaaxaa ee cusubi waxay bilaabmi doonaan 1-da Bisha Sagaalaad 2006.

1. Waxa la joojin doonaa gargaarkaaga kaashka ah haddii aad ganaax ku jirtid lix billood oo isku xiga.
2. Haddii aad tagtid adiga oo ganaax ku jira oo aad dib u codsatid ka dib marka gargaarkaaga kaashku dhamaado, waa in aad raacdii Qorshahaaga Waajibaadka Shakhsiga (Individual Responsibility Plan) mudo ah 4 todobaad oo isku xiga ka hor inta aanad helin kaash.
3. Haddii aad markale gashid ganaax, waa la xidhi doonaa gargaarkaaga kaashka ah ka dib marka aad ganaax ku jirtid saddex billood oo isku xiga.

SIDEE BAAN KU DHAMEYN KARAA GANAAXAYGA KA HOR BISHA SAGAALAAD?

La xidhiidh shaqaalahaaga si aad u dhameysid ganaaxaaga ka hor 1-da Bisha Sagaalaad 2006. Waxa aad:

- Cusbooneysiin kartaa Qorshahaaga Waajibaadka Shakhsiga (Individual Responsibility Plan) (IRP) ama waxa aad dhameyn kartaa ganaaxaaga haddii aad haysatid sabab wacan oo aanad uga qaybgalin barnaamijka.



- Ka qaybgali kartaa qiimeyn sheegi doonta hawlo si lagaaga gargaaro in aad ka qaybgashid barnaamijka oo aad gaadhid hadafyadaada shaqada. Waxa aanu taa ugu yeedhnaa qiimeyn buuxda.
- Raaci kartaa Qorshahaaga Waajibaadka Shakhsiga (Individual Responsibility Plan) mudo ah 4 todobaad oo isku xiga.

KA WARAN HADDII AAN GANAAX KU JIRO BISHAN SAGAALAAD?

Waxa aanu kaa codsan doonaa in aad timaadid xafiiska ka hor inta aanaanu go'aan ku gaadhin in aanu xidhno gargaarkaaga kaashka ah. Waxa ku soo raaci kara qof kasta oo aad rabtid. Haddii aanad iman, waxa aanu isku dayi doonaa in aanu kugu soo booqano gurigaaga. Waxa aanu doonaynaa in aanu kaala hadalno:

- Faa'iidooyinka barnaamijkaaga WorkFirst.
- Hawlaho iyo taageerada badan ee loo hayo adiga iyo qoyskaaga marka aad ka qaybgashaan.
- Sida aad uga qaybgali kartid barnaamijka WorkFirst.
- Sida aad ku heli kartid adeegyada laga helo beesha ee kaa gargaari kara in aad ka qaybgashid.

- Sida loo dhameeyo ganaaxaaga ama sida markale loo codsado haddii gargaarkaaga kaashku dhamaado.
- Sida aad u qorsheyn lahayd in aad daryeeshid ilmahaaga marka aanad haysan gargaar kaash ah.

Haddii aad go'aan ku gaadhid in aanad nala hadlin, waxa qasab nagu noqon doonta in aanu gaadhno go'aan ku saleysan warka aanu hayno.

SIDEE BAAN GO'AAN UGA GAADHI DOONAA IN AANU JOOJINO GARGAARKAAGA KAASHKA AH EE WORKFIRST?

Kormeere iyo Maamule ka socda Xafiiska Adeegga Beesha (Community Service Office) aaya dib u firin doonaa kiiskaaga ama arrintaada waxana go'aanka kama-dambeysta ah gaadhi doonaa Guiddida Dib-u-firinta Ganaaxa ee Gobolka oo Dhan (Statewide Sanction Review Panel).

Waxay dib-u-firintu u hubsan doontaa:

- Waa aanu kuu sheegnay waajibaadkaaga,
- Ganaaxaagu waa uu haboonaa, iyo
- Waxa aanu isku daynay in lagaa gargaaro bilaabista ka-qaybgalka barnaamijka.

Marka la sameeyo dib-u-firinta, waxa aad boosta ka heli doontaa warqad kuu sheegaysa in gargaarkaaga kaashka ah la joojin doono iyo in kale.